

# JOANNES CIRITA

ABBAS THARAUCANUS IN HISPANIA

## JOANNIS CIRITÆ VITA ET EPISTOLÆ

*Fasciculus sanctorum ordinis Cisterciensis (lib. 1, p. 267), præclarissinorum antistitium heroicas virtutes, ordinum monasticorum sub instituto Cist. militantium origines, fortissimorum martyrum certamina et diversarum abbatiarum exordia complectens, auctore R. P. F. Chrysostomo HENRÍQUEZ, Hortensi, ejusdem ordinis monacho, et congregationis Hispaniae historiographo generali. — Bruxellæ apud Joannem Pepermannum bibliopolam juratum, typographumque civitatis, sub Bibliis aureis, 1623.*

### CAPUT PRIMUM.

*Contemptis hujus sæculi honoribus et temporali militie valedicens, vitam eremiticam amplectitur.*

Eo tempore quo Saracenorum imperium longe lateque per omnes fere Hispania provincias palebat, Alfonso hujus nominis sexto regnum possidente Legionis, vir quidam nobilis, nomine Joannes Cirita, bellicis operibus, a primis juventutis annis studium suum dederat, eisdemque mirifice claruerat. Quem ne diutius sæculi vanitatibus irretitus perseveraret, divina Providentia misericorditer vocavit et segregavit per gratiam suam. Cum enim prælium cum Saracenis iniret, ab eisdem vulneratus et pene extinctus jaceret, aeternæ vita aditum invenit. Siquidem ad se reversus propriam patriam relinques, ad montes Gallicæ pervenit, ubi a quadam sanctæ conversationis sacerdote in sacræ paginae lectione non mediocriter eruditus, humanissime exceptus est, qui etiam vulneribus ejus necessariam medicinam adhibuit. Hujus venerabilis viri virtus ac sanctitas ita Joannem cepit ac incidit, ut tempus et occasionem arripiens, mundum deserere totumque se Deo tradere cuperet. Cumque aures ejus ad vocem sacerdotis patenter, egit triumphum de se ipso, et balteum militarem abjecit, animumque a bellicis exercitiis ad spiritualem militiam traduxit.

Et quia scientia litterarum ornat animum et erudit illum, et Scriptura sacra demulcet animi affectus, a venerabili sacerdote edocitus cognitionem legis divinæ magnani consecutus est. Ad cuius pedes humiliiter sedens, et coelestis verba sapientiae ab ipsis ore suscipiens, omnium virtutum genere decoratus, mirum in modum prosecut. Aliquo vero tempore elapsò, venerabilis Christi sacerdos in mortem cum vita feliciter commutavit, ejusque obitus beato juveni non mediocrem animi dolorem attulit et eremitice vitae desiderio, locum desertum ad inhabitandum elegit in provincia quæ jacet inter Durium et Mynium, ubi a dæmonie variis temptationibus exagitatus inflexibilis perseveravit, licet omnes suos conatus in ejus perniciem pararet; voluptates libertateisque pristinæ vitae ad memoriam juvenis revocans, perfectionisque viam, quam agressus fuerat, tanquam arduam omninoque difficultem ei proponens, ita ut, nisi Dominus in ejus pugna congrederetur et dimicaret, penitus in debilitatem

A incideret, iterumque ut canis reverteretur ad vomitum vanitatis antiquæ.

### CAPUT II.

*A dæmone sub specie feminæ tentatur, mirabiliter triumphat, anachoretis abbas præficitur, et spiritu propheticō claret.*

Cum igitur quadam die piæ devotionis affectu coelestis contemplationi insisteret, et secreto loco gaudens, solus in cella sederet, mulier quædam per vastæ solitudinis invia errans et quasi territa fugiens, ad beati viri eremitorum pervenit, lacrimis et suspiriis vehementer exorans, quatenus de mariti sui manibus, a quo, ut occideretur, quæbatur, in sua cella eam illa nocte occultans liberaret. His auditis, Dei famulus, quia charitas nescit timere, hostis antiqui tela non formidans, charitatis impulsu ductus, ostium aperuit, et in proprium cubiculum fugientem intrare permisit, cum qua B familiare, plus forte quam licebat, colloquium miscens, majorem partem noctis transegit. Postmodum vero, cum somnio parcere cupiens lecto decumberet, diabolus arcum tetendit et in eo paravit sagittas suas, ardoremque libidinis excitans, totum ejus corpus occupavit, combussit et incendit: et jam sibi pene mentem subjugasset, per pravitatis consensem, nisi divinum auxilium imploranti incauto anachoretæ divina gratia arma constantiae ministrasset, viriumque spiritualium incrementa adhibuisset. Surgens igitur beatus Dei servus, ignem jam pene extinctum reaccendit, ejusque flammis brachium sinistrum opposuit, sique immobilis perseveravit, donec caro plane combusta ab ossibus separata cerneretur, ignisque materialis vigore ab incendio titillantis carnis liber evaderet. Misere vero devictus dæmon evanuit, et in superiori cellulae tecto vociferans, cum contumelias onerare cœpit ac dicere: *Veniet, o insensate, veniet tempus, quando ignis non poterit te de manibus meis eruere.* Joannes autem immensas gratiarum actiones reddidit illi, qui ei astitit dimicanti, cautiorque deinceps factus est adversus diaboli insultus.

C Postinodum vero cum ad ejus notitiam pervenisset fama sanctitatis, et perfectionis opinio duorum Christi athletarum, qui in summis rupibus montium quos irrigat Nonga fluvius, vitam cælibem ducebant, ut eorum exemplo sanctæque conversationis doctrina magis magisque incremento virtutum proficeret, eremum deseruit, supplexque ad illos accedens, seque ad eorum pedes projiciens, humanter vir sanctus a sanctis viris excipitur, utpote qui jam ejus virtutem et conscientiæ puritatem, divina præventi revelatione cognoverant. Quorum sancta conversatione et societate, sic supra omnes illius solitudinis eremicolas virtute emuluit, ut qui noviter sæculi vanitatibus valedicentes vitam Deo placentem in eremo quærebant, se beati Joannis magisterio tradiderint feliciter educandos. Cumque

duos illos sanctissimos senes vitæ præsentis agone A laudabiliter consummato mors eriperet, in locum abbatis sussecutus est, rupesque illas, in quibus habitarerant, deserens, eremitorium construere curavit prope flumen Barosium, in cacumine montis, cuius inaccessibilis altitudo et fragositas, arduum et difficilem aditum ascendentibus præbet, ibideinque tam ipse quam cæteri fratres amore cœlestis patriæ inflammati angelicam potius quam humanam cœperunt ducere vitam.

Fama autem venerabilis viri per circumiacentes regiones late diffusa, ad aures Henrici comitis Lusitaniae pervenit, qui eum personaliter visitans ejusque humilitate et paupertate non mediocriter ædificatus post varia patriæ cœlestis colloquia, humiliiter deprecatus est quatenus suis orationibus a Deo filium, quem principatus sui hæredem relinqueret, impetraret. Cui mox beatus vir propheticus spiritu plenus respondit: « Confide, domine, habebis enim filium, belli et pacis operibus clarum, obtinebitque nomen magnum inter omnes principes terræ, et erit terror infidelium et flagellum pagorum. » Sic dixit, sic postmodum accidit. Theresa enim prædicti comitis uxor concepit et peperit Alphonsum Henriquez, qui honor et gloria exstitit Portugalensis nationis, et fundamentum regni Lusitaniae. Cumque pater ejus post præclara facinora, ultimum spiritum efflaret, sicut regni, sic et pietatis fuit hæres, sanctumque Joannem Ciritam summo prosequebatur amore, ad eumque in rebus arduis, tanquam ad divinum oraculum, confugiebat, semperque dicere solebat: *Facilius a Domino, quam ab amicis meis, quidquid vult impetrat abbas Joannes.*

### CAPUT III.

*Sanctus Joannes Baptista Patri nostro Bernardo apparens, ad construendum cœnobium, in Hispaniam præcipit mittere monachos, quos divina revelatione admonitus B. Joannes Cirita in itinere adventantes obvios suscepit.*

Hoc eodem tempore gloriosissimus Pater Bernardus, radiis virtutis et doctrinæ totem Christianum orbem illuminans, summa cum pietate et mansuetudine Claravallense moderabatur cœnobium. Cui anno Domini 1119, vigesima quarta die Junii post vigiliarum laudes, orationi in choro insistenti, B. Joannes Baptista eo habitu et forma, qua ab Ecclesia communiter depingitur, apparuit, dixique ei: *Ad salutem plurium animarum, quibus doctrina deest longeque a via salvationis aberrant, expedit tibi aliquos ex monachis tuis ad remotiores partes Hispanie relegare, quibus divina misericordia ostendet locum, quem jam ad construendum cœnobium elegit, ubi plures animæ Deo quotidiana corporis cordisque maceratione veluti acceptabile sacrificium offerentur.* In cuius rei testimonium hoc pro certo ussero tibi, quod nunquam in eodem loco rigor deficiet monasticus, templum autem consecrabitur nomini meo. Quibus dictis disparuit. Beatus vero Pater Bernardus omni admiratione plenus, usque ad horam sextam, quid sibi accidisset cogitans, Deoque gratiarum actiones impendens perseveravit. Volensque executioni mandare sancti Joannis præceptum, inter ceteros Claravallensis cœnobii viros egregios, qui innocentis vitæ merito Deo fideliter ministrabant, octo, utpote sanctitate præcipios, et ad persicendum tam arduum opus idoneos elegit, Boemundum scilicet, Aldebertum, Joannem, Bernardum, Cisinandum, Rolandum et Alanum, quibus Beomundus abbas præficitur. Eisdemque seorsim vocatis, sancti Joannis verba retulit, divinamque voluntatem exposuit de construendo novo monasterio in occidentalibus partibus Hispaniae, et in loco quem eis signum demonstraret cœlestis, et adjectit: *Habebitis in itinere obruum sanctum quendam eremum cultorem, inculpabilis ritæ, nomine Joannem, qui ad-*

A rentus vestri diem divina revelatione præventus exspectat, cuius ordine et consilio omnia opera vestra dirigentur, donec voluntas Dei perfecte adimpleatur. Et quia provincia ad quam mittebat illos, fere tota sub infidelium jugo jacebat, eos ad mortem pro Christo firmiter subeundam exhortans coronam repromisit æternam. Igitur post melliflua verba, quæ ei amor suppeditavit divinus, et post sinceræ charitatis amplexus, dilectos filios suos paterna benedictione munitos in pace dimisit, qui fratribus suis valedicentes egressi sunt e sacro Claravallensi cœnobio.

Sed jam ad Joannem nostrum convertamus sermonem. Dum enim haec agerentur in Gallia, eidem, sicut et Patri nostro, etiam apparuit Baptista, certiore eum faciens de adventu illorum octo monachorum, quos ad erigendum cœnobium sanctus abbas mittebat, præcipiens ei ut sancta eorum desideria ad optatum perduceret finem, eosque apud principem et nobiles terræ auctoritate sua redderet gratos; asserens monasterium illud futurum præclarum seminarium virtutum, ostenditque illi locum in quo adventantes monachos invenirent. Quibus dictis disparuit, et beatus Dei famulus plenus exultatione et lætitia iter arripuit, et, post aliquos dies quibus per horrendas et vastas eremis solitudines hinc inde erravit discurrens, Claravallenses monachos ad se venientes offendit, non procul a Lamuccensi civitate, cuius rex a Lusitanis ante paucos annos devictus, rejectis Mahometanis versutiis, fidem amplexus fuerat catholicam. Quis vero servorum Christi animi jucunditatem narrare sufficiat, cum post longi incommoda itineris variisque tribulationes et angustias, beatum Joannem directorem et patrem sibi a beato Bernardo constitutum invenirent? Qui, post humilem salutationem, epistolam sanctissimi Patris nostri Bernardi tali tenore conscriptam tradiderunt.

*Epistola beati Patris nostri Bernardi abbatis, ad beatum Joannem Ciritam.*

Exstat inter epistolas S. Bernardi editionis nostra num. 464. Vide *Patrologia t. CLXXXII, col. 669.*

Hac igitur perfecta epistola, summo perfusus gaudio beatus Joannes, cum monachis Claravallensibus, Alphonsum principem qui tunc apud Wimaranes morabatur, decrevit adire, ut ab eo quemlibet locum eligendi ad construendum novum cœnobium facultatem obtineret. Cum autem ad curiam pervenissent, humanissime a principe excepti sunt, qui eorum habitus paupertatem, modestiæ gravitatem profundamque humilitatem considerans, vix causam itineris et adventus servorum Dei intellexit, cum ecce siuili eos privilegio munitos dimisit in pace:

*ALPHONSI gloriostissimus dux et Dei gratia Portugalensium princeps, illustris comitis Henrici et reginæ Theresæ filius, magni quoque Alphonsi nepos.*

*Pro remedio animæ meæ et parentum meorum, facio vobis, abbatu Joanni Cirite et fratribus qui rotiscum sunt, chartam et cautum ne quis vos impedit quod vadatis, et faciat monasterium ordinis Sancti Benedicti de nova reformatione, de isto modo, quod solum, ubi feceritis, sit dominii nostri, et si de alieno fuerit, ematur nostris expensis. Et si aliquis de vassallis nostris vel de militibus, contra hoc venerit, sit maledictus a Deo et cum Juda traditore in infernum tortus.*

*Facta charta cauti apud Wimaranes, Kalend. Martii, era 1158.*

*Ego supradictus princeps hanc chartam propriis manibus roboro.*

Egressi ergo beatus Joannes et monachi per eamdem viam reversi sunt: admonitus eniun fuerat venerabilis abbas ne progrederetur ulterius, sed in

interiori sólitudine ac secretiori desertó manerent, quousque Dei voluntas eis patesceri dignaretur. Paucis vero in via consumptis diebus ad fluuen pervenerunt Borosium quod uno milhari cum dimidió distat a civitate Lamecensi, et vasta illius solitudinis irrigat loca. Ejusque fluctum sequentes ad montes devenerunt altissimos, qui in circuitu, ad instar murorum, vallem amoenissimam cingunt, in qua duo torrentes aquis se immiscent Barosi. Hunc ergo locum, quasi ab hominum conversatione omnino semotum ad inhabitandum decreverunt eligere ibique sedere, exspectantes beatam spem et adventum signi magni Dei, jam olim sancto Patri suo Bernardo promissum. Ubi ex arborum ramis quatuor construxerunt tuguria, ecclesiolumque pauperrimam Sancti Salvatoris nomini sacram, quae in hanc usque diem perseverat, erigentes, sedem ad tempus fixerunt; et venerabilis abbas Joannes, Clarævallenses orationi piisque operibus intentos relinquens, ad fratres reaveavit suos, quousque signo aliquo cœlesti voluntas divina, circa cœnobii constructionem locique dispositionem, eis ostenderetur.

#### CAPUT IV.

*Monachi cœnobium Sancti Joannis de Tarouca construunt in loco sibi divinitus cœlesti splendore demonstrato.*

Igitur Boemundus abbas, ejusque socii, sine intermissione divinis laudibus operam dantes, assiduis precibus divinam efflagitabant misericordiam, ut promissum Patci suo Bernardo signum cœleste mererentur videre. Factum est autem, tertia decima die Aprilis, anno Domini 1120, cum beatus Boemundus e tugurio suo egressus, circa dimidiā noctis horam, Deum orare ut acceptum haberet obsequium eorum, et in vallem proximiorem aciem oculorum dirigeret, yudit, et ecce splendor mira claritatis, quasi fulgor e cœlo descendens, in aere prope terram immobilis mansit, opaca silvarum vicinorumque hinc inde circumiacentium montium meridianæ veluti luce claras reddens angustias. Stupefactus Christi famulus, divini luminis mysterium non ignorans, fratres suos vocat eisque signum a sancto Joanne Baptista promissum ostendit. Qui statim, omni difficultate semiota, illud esse divinæ bonitatis signum credentes locum nunc ad construendum cœnobium decreverunt eligere, exultantes animo et spirituali jucunditate gaudentes, ac si dicarent: *Hac requies nostra in saculum sæculi: hic habitabimus, quoniam Deus elegit eam.* Hunc autem corlestem splendorem, in eodem loco eademque hora, aliis octo noctibus proxime sequentibus viderunt. Qui ut sancti Patris Bernardi parerent consilio, qui eis Joannem Ciritam, quem in rupibus montis cum suis Domino famulantem reliquimus, ductorem et rectorem constituerat, quid acciderit, quidve eis divinitus fuerit ostensus, sancto abbati tali epistola exposuerunt:

*Venerabili Patri JOANNI CIRITÆ, frater BOEMUNDUS et reliqui qui cum eo sunt, modicum id quod possunt.*

*Noveritis, miseratione divina sic disponente, signum mirabile indignis oculis compexisse, non solum ego, sed omnes quos hoc loco reliquistis. Et quia iam duodecim transactæ sunt noctes, postquam illud primitus vidiimus, et a Patre nostro, qui nos huc direxit, simile prodigium audivimus, ideo nobis visum est hoc tibi referre, ne forte relixi. Altissimus hac parte monasterium construi. Valeat paternitas tua, et nos filios apud Deum commendatos habeat.*

Duo itaque monachi hanc deferentes epistolam missi sunt, qui post varia itineris pericula ad beati viri eremitorum pervenerunt. A quo summa cum humilitate excepti, dum ei cum ipsorum relatione, tum litteris ipsis miraculum innotuit, flexis genibus, manus et oculos ad æthera levans, immensas

A gratiarum actiones cœli terræque Conditori, intimo cordis affectu, impedit ac reddidit. Et postmodum omnes pariter confidentes, de miraculo isto et de cœnobii ædificatione agere cœperunt. Et post varia cœlestis vitæ colloquia, similem illis tradens epistolam, ad proprium eos remisit abbatem:

*Dilectissimis fratribus qui sunt in eremitorio supra fluvium Barosum, ad montem curvum, JOANNES, indigenus servus Christi Jesu, in eo salutem desiderat.*

*Misericordiam Domini in æternum cantabo quam voluit ostendere super servos suos. Fiduciam habete et credite verbis magistri vestri, quia per illa jam appropinquat dies gaudii vestri. Et ne per falsum risum erretis, obnix et cum lacrymis petite a Dominis universorum, quod signum istud iterum vobis velit ostendere, et quo loco, postquam missas dixeritis, claritatem rideritis, signale et vallate, ut in eo Domino adjuvante, monasterium construamus. Servet vos pietas æterna, et in sanctis orationibus vestris veniam postulate pro peccatis meis.*

Statim ipsi, ut humiles filii et ad obedientiam parati, quidquid eis præcipiebatur adimplere studuerunt, crebris vigiliis, jejuniis, sacrificiis et orationibus, miraculi præteriti renovationem et confirmationem deprecantes. Quos Dominus exaudire dignatus est, eis iterum divinum lumen ostendens. Totum locum per circuitum, ad quem divina claritas se extendebat, sepe cinxerunt, ut in eo ecclesiam monasterijque officinas erigerent. Tunc supervenit venerabilis abbas Cirta, cuius præsencia incredibili gaudio perlungi sunt onnes. Ille autem tota nocte oratione intendens, splendore in etiam illum meruit videre. Intellexitque lumen istud virtutem splendorum radiosque cœlestis doctrinæ, quibus monachi illi et eorum successores decorandi erant, ut totam illam patriam, imo et totam illuminare Ecclesiam tenebras expellentes vitorum, significare. Adiit ergo principem Alphonsum, assumpto secum beato Boemundo, eique totum narravit miraculum, quo auditio in magnam admirationem raptus est catholicus princeps. Quos tandem privilegiis, ornamenti, pecunia variisque donis ad cœnobii constructionem ditatos dimisit. Qui in solitudinem reversi, domum Dei cœperunt ædificare, ipseque princeps primum lapidem jecit, vigesima prima die Junii, anno Domini 1122, praesentibus regni ipsoque episcopo Lamecensi, qui lapidem ecclesiæque fundamenta benedixit: et post paucos dies cœnobium consummatum est, præfuitque ibidem beatus Boemundus, prout sanctus Pater Bernardus ordinaverat. Qui tandem virtutibus plenus et miraculis clarus, paulo post obdormivit in Domino, electusque est communis fratrum consensu B. Aldebertus qui sub eodem Patre Boemundo prior exsisterat.

#### CAPUT V.

*Quomodo beatus Joannes Cirta monachus Cisterciensis factus est; et de regina Theresia que novi ordinis habitum induit.*

Ecce ordinis Cisterciensis in remotioribus partibus Hispaniæ, in Lusitania scilicet, humile exordium, ex quo tandem sic excrescere meruit, ut in uno tantum cœnobio Alcobatia mille monachi pariter habitaverint, de cuius miraculosa fundatione superior in Vita santissimi Patris nostri Bernardi diffuse egimus. Cum ergo beatus Joannes monachos Sancti Joannis de Tarouca (hoc enim nomen novo monasterio dederant), variis virtutibus micantes consiperet, eosque in schola spiritualium virtutum fervore regularis disciplinæ vigore cognoscere, eorum inhærere vestigiis sumunopere desiderabat, sive habitum Cisterciensem de manu beati Aldeberti abbatis incredibili mentis exultatione suscepit, et fuit primus qui, sub instituto nostro, sacræ religioni nomen dedit in Lusitania. Et vide humilitatem beati viri. A juventute sua, in sancta

arte magister aliorum extiterat, a quibus tanquam Pater et abbas colebatur, et ecce factus est denuo discipulus. Postquam vero professionem emisit, ad fratres suos in solitudine degentes reversus est, quibus ut tam sanctæ religionis jugo colla submitterent persuasit, ibidemque aliud Cisterciensis ordinis monasterium construxit quod sanctus Christophorus Dafoens nuncupatur. Inter ceteros vero anachoretas, qui se ordini Cisterciensi dederunt, hi fuerunt præcipui: Petrus Froila, Pelagius, Alvarus, Andreas, Luyba, Germanus, Rosendus, Hermannus. Quorum vitæ in antiquo ms. libro monasterii S. Christophori continentur, ut videre est apud Joannem Marquez lib. De origine fratrum eremitarum Sancti Augustini cap. 15, § 11.

Hoc tempore regina Theresa, filia Alphonsi Hispaniarum imperatoris, de manu beati Joannis Cirita habitum Cisterciensis ordinis induit, et paulo post infirmitate correpta, cum jam morti proxima lecto decumberet, epistolam scripsit filio suo Alphonso Henrique, quam Joanni Cirita tradens, non sine opinione sanctitatis ex hac vita discessit. Et ecce princeps, ut a matre sua ultimam peteret benedictionem, ad civitatem Conimbricensem pervenit. Sed cum jam eam ex hoc sæculo migrasse cognovisset, summo dolore repente percussus, epistolam, quam apud se beatus Joannes retinebat, tali tenore conscriptam legit:

*Dilectissimo filio suo ALPHONSO, THERESA mater sua, salutem et suam benedictionem.*

*Finis meus prope est, fili amantissime, et jam mihi vilescent omnia hujus mundi, præter te quem cuperem videre. Sed videamus nos in meliore patria. Servos et ancillas meas tibi commendo et fratres novæ reformationis, sub cuius habitu et professione discedo. Sepultura mea, precor, sit juxta patrem tuum, illustrem comitem Henricum, ut quos vita vidi consortes mors videat inseparabiles. Sorores tuæ sint tibi charæ et filii earum. Populum tuum cum pace gubernera, et super omnia Deum cole. Ipse te bencadic et servet ab iniurias. Benedictionem et gratiam meam tibi relinquo, et ad Deum et judicem meum vado. Vale, fili mi charissime, in Domino.*

Cum vero Adelbertus abbas cursum vitæ feliciter consummasset, ita ut etiam post mortem miraculis coruscans magno populi concursu honoraretur, vocatus est famulus Dei Joannes, ut monachis Sancti Joannis de Tarouca præcesset. Quan dignitatem, renitenter tamen, admisit anno Domini 1125. Ubi mirabiles virtutes et sanctitatis radios emittere coepit omninoque absorptus virtute et spe tota in Deum directa, ad superna intimo cordis affectu anhelabat. Ut vero castitatem conservaret, cordisque maculas subintrantes dilueret, abstinentiae falce carnem suam multandan esse censebat. Et sic spatio trium dierum nihil penitus gustans, his transactis, tantum buccellam panis sumebat, et aqua frigida corpus suum senio confectum pœnitentiaque ut infirmitatibus pene consumptum alebat. Tempus ne frustra laberetur summa diligentia observabat. Ita et vel orationi insistentem, vel divinis laudibus in choro occupatum, aut manuum operibus cum monachis intentum, invenires venerabilem senem. His exceptis, ab omnibus aliis rebus alienum se judicans nullisque se immiscens negotiis, regula monachorum suorum factus est exemplo sanctæ conversationis.

#### CAPUT VI.

*De origine ordinis Avisiensis, qui sub instituto Cisterciensi militat, et a beato Joanne Cirita leges et regulam accepit.*

Factum est autem postquam Alphonsus primus Portugallensium rex ingentem paganorum multitudinem in agro Auriquis devicit, milites quidam gloriae cupidi, ut acquirerent sibi nomen magnum, fadus et pactum inter se inierunt ut, pro fide Ca-

tholica patriæque libertate militantes, potius vitam manibus traderent insidelium, quam seu mortis periculo qualibet necessitate coacti a sancto proposito desisterent. Cumque eorum magna esset opinio, et Maurorum incursus crebris victoriis arcentes, in dies circunquaque illorum se diffunderet fama, rex Alphonsus eorum piam intentionem ad finem felicissimum perducere optans, beatum Joannem Ciritam vocavit, qui his militibus normam et regulam traderet vite, ut, sub aliquo instituto militantes, gloriosius pro Christi nomine præliarentur. Supervenientesque sanctus abbas de consensu legati apostolici similes eis constitutiones observandas conscripsit.

Hanc igitur regulam militibus Avisiensibus conscripsit beatus abbas Joannes omnesque eam firmiter unanimiterque observare professi sunt. Postmodum vero Evora civitas Lusitanæ celeberrima et frequenti regum Portugalliae domicilio nobilissima eidem militibus data est ab Alfonso rege, anno Domini 1147, ac tandem ad castrum Avisum transeuntes ibique commorantes, ab eodem Avisenses milites denominati sunt. Sed de hoc ordine plura in Vita B. Petri Alphonsi, lib. II.

#### CAPUT VII.

*B. Joannes Cirita, propheticō spiritu variisque virtutibus celebris, ex hac vita discedit, variisque post mortem miraculū claret.*

Venerabilis autem Deoque et hominibus dilectus abbas Joannes tot virtutum effusus charisunibus, ut tam monachos suos quam sæculares personas, quæ ad virum sanctum, ut ab eo coelestis sapientie aqua potarentur, frequenter confluabant, ferventissima conversatione sua in amorem Dei vehementer accenderet. Et quia omnes illius provincie viros religiosos sanctitate emituit et doctrina, summo affectu ab omnibus colebatur, tum a principe Lusitanæ Alphonso, tum ab ipsius regni procuribus et nobilibus. Præcipue vero honorabatur a nobilissimo Egea Monio ejusque uxore Theresa, qui, ut erga eum et ordinem nostrum pietatem dilectionemque ostenderent, monasterium de Salzeda considererunt, et beato Joanni Cirita et familiae Cisterciensi tradiderunt, anno Domini 1126, longo olim ante constitutionem ordinis Avisiensis. Anno vero 1145, monachos Benedictinos Sancti Petri de Aquilis Cisterciensi congregationi uniri curavit, eosque monasterio S. Joannis de Tarouca subjecit, pluraque privilegia et facultates a rege et nobilibus regni obtinuit. Hæc igitur et alia sine numero commoda ejus meritis sacro nostro ordini in particulis illis recente plantato devenerunt.

D Ipse vero, ut verus pastor et pater, erudiens et confirmans fratres suos ministrum fidei se exhibuit. Erat namque pius, misericors, humilis, benignus, nullum sprenens, nullum despiciens, ætate et moribus reverendus. Crebri etiam et coelestibus consolationibus visitabatur, eique Dominus occulta sapientiae suæ mysteria manifestabat. Clariuit propheticō spiritu, ita ut non solum futura, sed hominum etiam cogitationes cognosceret. Lacrymarum autem stilicidiis juventutis suæ delicta diluere curavit, ac si continua corporis maceratione et monasticæ vitæ martyrio peccatorum suorum veniam non obtinuisse.

Cum ergo ad decrepitæ ætatis terminum deveineret venerabilis senex, gravissimi molem oneris vera amplaque existimatione ponderans, et eam bene ferre suis jam deficientibus viribus minime posse judicans, dignitatem abbatiale deserens ab omnibus negotiis se abstrahere, et in monasterio Sancti Christophori, quod ipse, antequam esset monachus Cisterciensi, inchoaverat, ultimum resolutionis suæ diem exspectare decrevit. Convocansque fratres suos monachos Sancti Joannis de Tarouca, voluntatem suavi exposuit, eisque abbatem suo loco

præfecit beatum monachum Bernardum, unum de primis fundatoribus quos miserat noster beatissimus Pater, eratque vir probatae virtutis, adeo ut tam dum ageret in humanis, quam post felicissimum ex hoc sæculo transitum, miraculis variis coruscans tanquam sanctus coleretur a populo.

Anno igitur millesimo centesimo sexagesimo primo monachi ejus resignationem, tristes quidem, nec sine lacrymis admirerunt, et ipse ad antiquum Sancti Christophori eremum reversus, ibidemque a Michaele abbatte aliisque fratribus humiliter susceptus, spatio trium annorum cum diudio, crebris jejuniis incredibilique corporis maceratione, novos meritorum manipulos acquirere satagebat.

Cum vero deficiente corpore, mira animi suavitate et dulcedine spiritus exsultaret, et gravi infirmitate corruptus appropinquaret ad exitum et diem obitus sui, Domino revelante, præcognosceret, ad filios suos monachos Sancti Joannis de Tarouca, quos intimo cordis affectu diligebat, sequentem dictavit epistolam, paucis ante felicem exitum suum diebus.

*JOANNES pauper virtutum et dives defectuum, vobis religiosis viris, qui Domino offertis sacrificium immaculatum, salutem sempiternam et mei recordationem.*

*Placuit Domino Iesu Christo deducere me ad finem, quem desiderabam : appropinquit dies resolutionis et gaudii mei. Sed quia me novi, inopem vestrarum virtutum et timeo ne sine oleo compaream*

A coram Sponso, vos qui cum tempore præparatis lampades vestras, succurrite mihi, dum tempus est, ne forte audiam illud durum eloquium : « Nescio vos. » Et si Dominus dederit quam spero lucem inaccessibilem, meum erit vestris non deesse necessitatem, quippe qui frater et socius uester sui in tribulationibus, vos non relicturus in tempore gaudii. Et quia infirmitas labefactat corpusculum, salutat vos anima, pro qua Dominus deprecemini

Cum vero exterioris habitaculi undique jam soluta compago desideranti animæ liberum præstaret egressum, omnes monachi congregati sunt, quos pio sermone ad perfectionem, regulæque observantiam exhortans, eidemque benedicens, sacris jam Ecclesiæ sacramenta munitus cœpit voce intelligibili decantare hymnum *Te Deum laudamus*, et cum ad ultimum versum pervenisset eidemque finem impossuisset, feliciter obdormivit in Domino, et ab angelis assumptus vicit migravit ad gloriam vigesima tertia die Decembris, anno Domini 1164. Post obitum vero, variis miraculis Dominus ejus conscientię puritatem, et meritorum evidentiam ostendere dignatus est. In cuius tumulo, magnis exaratum characteribus simile appositum fuit epitaphium.

**JOANNES ABB. CIRIT. REXIT MONAST. S. JOANNIS,  
S. CHRISTOPHORI SALCEDÆ, S. PETRI.  
CLARUS VITA, CLARUS MERITIS, CLARUS MIRACULIS,  
CLARET IN COELIS.  
OBIIIT X KAL. JANUARII. ERA M.CC.II.**

## REGULA ORDINIS MILITARIS AVISII

A. B. Joanne CIRITA edita.

(Fasciculus SS. Cisterc., p. 273.)

In nomine sanctæ et individuæ Trinitatis, Patris et Filii et Spiritus sancti. Deus unus verus et essentia inseparabilis. Nos Joannes Cirita, abbas Sancti Joannis et Guiscardus monachus ejusdem cœnobii, in præsentia nobilissimi regis Aldephonsi aliorumque virorum suæ curiæ, de consensu et auctoritate domini episcopi Hostiensis nunc per totam Hispaniam legati a latere, in honorem Dei et Patris nostri Benedicti gloriamque nostræ reformationis Cisterciensis, et ut Christi fideles ab incursu Maurorum liberentur, constituimus et ordinamus militiam equitum, quibus munus sit religio nem defendere in bello, charitatem exercere in pace, castitatem servare in loto et terras Maorum continuis incursionibus vastare et habitum portare signum religionis præ se ferentem : caputum scilicet, parvæ magnitudinis cum scapula taliter facta, quod in conflictu pugnantes non impedit. Circa colorem cæterarum vestium non causentur, sed circa temporis opportunitatem sint omnia. Scapula vero semper sit nigri coloris.

In bello habeant loricas, et enses, et lanceas juxta

C fortitudinem uniuscujusque, nihil portantes insigntum auro præter enses et calcaria, ponentes semper spem suam in armatura fidei. In pace surgant ad orationem et audiant missas et jejunent sextis feriis, dormiant cum caputiis parvis. Servent silentium si simul manducent. Suscipiant peregrinos, honorent seniores, et magistrum militiae tanquam patrem et ducem suscipiant : et in omnibus regulam sancti Patris Benedicti præ oculis habeant. De acquisitis in bello dent pauperibus, viduis et ecclesiis, et Mauros, quos in captivitatem traxerint, sanctis admonitionibus ad fidem deducere current.

Si castrum vel civitatem ceperint, facient certiorum dominum regem et de mandato ejus disponent omnia, existentes subditi dominio, non tantum bonis sed etiam dyscolis. Magister tanquam dux cæterorum procuret, non solum verbis, sed etiam exemplis subditos gubernare, non solum in pace docendo, sed etiam in bello pugnando. Et si quis militum gravamen de illo habuerit et, post excusationem non susceptam, adhuc gravatum senserit,